

Ayacucho - Espiritu Guerra Qellqapa - SW Intro Scriptures

Lucas 17:5 Apostolninkunam Señorta mañakurqaku: Iñiytáyá yapaykuwayku, nispangu.

Romanos 10:17 Iñiyqa uyariptinchikmi hamun, uyariyñataqmi Cristopa palabranmanta hamun.

Lucas 11:1 Huk sitiopim Jesús mañakuchkarqa, chaymi tukuykuptin huknin discipulon nirqa: Señor, imaynam Bautizaq Juanpas discipulonkunata yachachisqanta hinayá qampas Diosta imaynam mañakuya yachachiwayku, nispa.

1 Timoteo 2:1-4 Imamantapas puntataqa kaytam nimuykichik, llapallan runakunapaqmi Diosta mañakunaykichik, orakunaykichik, ruegakunaykichik hinaspa agradecekunaykichik. 2 Mañakunaykichiktaqmi lliw reykunapaqwan kamachikuqkunapaqpas, chaynapi allinlla, hawkalla, allin sonqoyuq hinaspa allinpaq qawasqa kawsananchikpaq. 3 Kayqa allinpunim hinaspa salvaqninchik Diospa allinpaq qawasqanmi. 4 Diosninchikqa munachkanmi llapallan runakuna salvakunankuta hinaspa cheqap kaq reqsinankuta.

Zacarías 3:1,2 Chaymantam sumo sacerdote Josueyta visionpi rikurqani, Tayta Diospa angelinpa ñawpaqninpi sayachkaqta. Josueyta alleq lawniniñataqmi Satanás sayachkasqa acusanapaq. 2 Hinaptinmi Satanasta Tayta Diospa angelin kaynata nirqa: Yaw Satanás, Tayta Diosyá wischusunki. Jerusalén llaqtata akllakuq Tayta Diosyá qarqosunki. Josueyqa rupachkaq ninamanta hurqorusqa sansa hinam, nispa.

Efesios 6:12 Peleachkankichikqa manam aychayuq tulluyuq runakunawanchu, aswanqa tutayaypi kamachikuqkunapa, gobernaqkunapa, munayniyuqkunapa hinaspa altokunapi mana allin espiritukunapa contranpim.

Efesios 6:10,11 Chaynaqa, wawqe-panillaykuna, Señorninchikpa tukuy atiyninpi kallpanchakuychik. 11 Harkachikunaykichikpaq Diospa qosusqaykichik llapallan armakunawan pachallikuychik, chaynapi allinta takyaptikichik, wateqasuqnikichik diablo mana urmachisunaykichikpaq.

Efesios 6:13-17 Chaynaqa, Diospa qosusqaykichik llapallan armankunawanyá pachallikuychik, chaynapi urmachi y munasusqaykichik punchawpi allinta takyanaykichikpaq hinaspa lliwta venceruspaykichik qaqa hina sayanaykichikpaq. 14 Allintayá sayaychik, chumpiwan hinayá cheqap kaqwan watakuychik, qasqo harkachikunawan hinayá allin ruwaywan pachallikuychik. 15 Zapatokuchkaq hinayá hawkayay qokuq allin noticia apanaykichikpaq chaylla kaychik. 16 Llapallanmantapas aswanqa iñiynikichikyá escudoykichik hina kachun, chaynapi diablopas rupachkaq flechankunamanta amachakunaykichikpaq. 17 Salvasqa kasqaykichikyá kachun umaykichik harkaq casco hina, hapiychiktaqyá Diospa palabrantapas, chayqa Chuya Espiritupa espadanmi.

Hebreos 4:12 Diospa palabranqa kawsay qokuqmi hinaspa atiyniyuqmi. Iskay lawnini filoyuq espadamantapas aswan kuchukuqraqmi. Runamanqa yaykun

almankamaraqmi, espiritunkamaraqmi, tullunpa piezankunakamaraqmi, chilinankamaraqmi, hinaspm piensasqankunatawan sonqonpa munapayasqankunata reqsichin.

Lucas 4:8 Chaymi Jesusñataq nirqa: Qellqasqam kachkan: “Señor Diosllaykitam yupaychankiqa, payllatataqmi servinkipas” nispa.

Efesios 6:18 Chuya Espiritupa yanapakuyninwanyá Diosta mañakuychik tukuy tiempo hinaspa rikchan-rikchanlla kaychik, ama hukmanyaspa llapallan iñiqkunapaqpas Diosta mañapuychik,

1 Samuel 17:45-47 Davidñataqmi nirqa: Qanmi ñoqaman espadawan, lanzawan hinaspa jabalinawan hamuchkanki, ñoqam ichaqa qanman hamuchkani, llapallan kamachiq Tayta Diospa sutinpi. Qamqa Israel tropakunapa Tukuy Atiynyuyq Diosnintam insultarunki. 46 Tayta Diosmi kunanpuni qamta makiyman churanqa, wañurachispaymi umaykitapas qorusaq; hinaspm Filistea tropakunapa aychantañataq alton pawaq ankakunamanwan purun animalkunaman qarasaq. Chaynapim Iliw runakuna Israel nacionpi Dios kasqanta yachanqaku. 47 Chaynataqmi kay huñunasqa runakunapas yachanqaku Tayta Diosqa mana espadallawan nitaq lanzallawan salvasqanta; kay guerraqa Tayta Diospa munayllanpim kachkan, chayraykum qamkunataqa makiykuman hapiykachiwanqaku, nispa.

Lucas 10:17-20 Chay qanchis chunka iskayniyuq runakuna kachasqanmi kusisqallaña kutiramuspanku willakurqaku: ¡Señorllayku, demoniokunapas sutikipiqa kasuwankum! nispanku. 18 Jesusñataqmi nirqa: Arí, ñoqapas Satanastam rikurqani cielomanta rayo hina wichimuqta. 19 Atiytam qoykichik maqta urukunata hinaspa atoq-atoqkunata sarunaykichikpaq chaynataq supaypa atiyninta vencenaykichikpaqpas, manam imapas imanasunkichikchu. 20 Amayá kusikuychikqa demoniokunapa kasususqaykichikwanchu, aswanqa sutikichik hanaq pachapi qellqasqa kasqanwanyá, nispan.

2 Corintios 10:3-5 Aychapiraq kawsaspapas manam aychaman hinachu ñoqaykuqa peleachkaniku. 4 Peleanapaq armaykuqa manataqmi aychaman hina armallahu, aswanqa Diospa atiynin hina armam, chayna armaqa murallasqa llaqtakunatapas tuñirachinmanmi. 5 Tuñichintaqmi Dios reqsiy়া contranpi hatun tukuspa hatariqkunatapas chaynataq Diospa contranpi hoqarikuqkunatapas, runakunapa imaymana piensasqantam Cristomanña hapichiniku kasukunankupaq.

2 Timoteo 1:7 Diosqa manam manchakuy espiritutachu qowarqanchik, aswanqa atiyan, kuyakuywan hinaspa sonqonchik controlakuq kananchikpaqmí.

Mateo 12:28,29 Sichum Diospa Espiritunwan demoniokunata qarqoptiyqa, cheqaptapunim Diospa munaychakuyin qamkunaman chayaramusunkichik. 29 ¿Imaynataq kallpasapa runapa wasinman suwananpaq pipas yaykurunman puntata payta mana chaqnaruchkaspaqa? Chaqnaruspallam imantapas suwarunmanqa.

Efesios 1:13 Cheqap allin noticiata uyarispam Cristoman iñikurqankichik salvo kanaykichikpaq, chayraykum Diosllapaqña kanaykichikpaq prometekusqan Chuya Espirituwan sellasqa kachkankichik.

Hechos 19:6 Hinaptinmi hawankuman Pablo makinta churaykuptin, Chuya Espíritu paykunaman huntaykurqa, chaymi mana yachasqanku rimaykunapi rimaspa profetizarqaku.

Marcos 16:15-18 Chaymi paykunata Jesús nirqa: Tukuy hinastinman rispaykichik kay evangeliota llapa runakunaman willakamuychik. 16 Pipas iñispa bautizasqa kaqmi salvasqa kanqa, mana iñiqñataqmi condenasqa kanqa. 17 Ñoqapi iñiqkunam kaykunata ruwanqaku: Sutiypim demoniokunata qarqonqaku, musoq rimaykunatam rimanqaku, 18 maqta urukunatam hapinqaku; imataña venenoyuqta tomaruptinkupas manam imananqachu; onqoqkunamanmi makinkuta churanqaku, hinaptinmi sanoyanqaku, nispan.

1 Juan 1:9 Sichum huchanchikkunata willakuptinchikqa, paymi mana engaňakuspa allin ruwaq kasqanrayku pampachawasun, hinaspm tukuy mana allin ruwasqanchikmanta mayllawasun.

Éxodo 20:5 Chaykunapa ñawpaqninpiqa amam qonqorakunkichu, amataqmi yupaychankichu. Ñoqa Tayta Diosllam Diosnikiqa kani. Manam munanichu sapaq dioskuna yupaychanaykitaqa, cheqniwaqniy runataqa taytamamanmanta gallaykuspam willkanpa willkankama castigasaq.

Salmos 109:17 Ñakayllata munasqanraykuyá ñakasqa kachun, bendecisqa kaytapas manam munarqachu chaynaqa ama pipas bendecichunchu.

Jueces 16:16 Dalilam sapa punchaw chayllataña tapupayaspan Sansonta piñachirqa, chayraykum wañukuytaña munaspan

Efesios 4:26 Piñakuspaqa amataqyá huchallikuychikchu, amayá inti seqaykunankamaqa piñakuruychikchu.

Romanos 14:12 Chaynaqa, sapakamam Diosninchikman cuentata qosunchik.

1 Juan 2:23 “Jesucristoqa manam Diospa Churinchu” niq runapa sonqonpiqa manam Dios Taytapas kanchu. “Jesucristoqa Diospa Churinmi” niqkunapa sonqonpim ichaqa Dios Taytapas kachkan.

Juan 14:6 Jesusñataqmi nirqa: Ñoqam kani ñan, cheqap kaqpas chaynataq kawsay qokuqpas. Taytaymanqa manam pipas chayanmanchu mana ñoqantakamaqa.

Mateo 11:28-30 Haykam pisipasqakuna hinaspa ñakariqkuna ñoqaman hamuychik, ñoqqapim samaya tarinkichik. 29 Yugoya apaspayá ñoqamanta yachaychik, ñoqaqa llampu sonqo hinaspa mana chaylla piñakuruqmi kani, chaynata ruwaspm ñoqapi samaya tarinkichik. 30 Yugoya manam llasanchu, qepiyas sampallataqmi, nispa.

2 Corintios 6:2 Paymi nin: “Chaskina tiempopim uyarirqayki, salvanay punchawpim yanaparqayki”, nispa. Kunanqa chaskina tiempoñam, kunanqa salvana punchawñam.

Romanos 10:13 Chaynaqa, haykam Señorpa sutinta qayakuqkunaqa, salvom kanqa, nispa.